



# PODACI O PROJEKTU

Bosna i Hercegovina Januar 2017. godine

## POBOLJŠANJE VODOVODNIH SISTEMA I STVARANJE POTICAJNE OKOLINE ZA PRIVREDNI SEKTOR



Projekat općinskog okolišnog i ekonomskog upravljanja (MEG) usmjeren je na poboljšanje lokalnih sistema upravljanja i usluga u sektorima okoliša i ekonomije, što će rezultirati boljim lokalnim službama, povećanom odgovornošću i izgradnjom povjerenja između općina, građana i privatnog sektora. Posebna pažnja bit će posvećena poboljšanju životnih uvjeta ranjivih grupacija.

Općinska uprava nosi direktnu odgovornost prema svojim građanima, i posjeduje veliki razvojni potencijal. Općine i njihovi lideri su najdinamičniji akteri vlasti, koji imaju sluha za potrebe svojih građana, poboljšanje njihovih životnih uvjeta i zapošljavanje. Međutim, političke blokade, kao i kompleksno ustavno uređenje, prouzrokovali su sporost reformskih procesa, nedostatak ulaganja, visok nivo nezaposlenosti i rast društvenih nejednakosti. Opasnosti lošeg upravljanja bile su uočljive za vrijeme katastrofalnih poplava 2014. godine, koje su pokazale nizak nivo otpornosti i kapaciteta vlasti da se nose sa posljedicama prirodnih katastrofa.

### OPĆINE KAO KLJUČNI POKRETAČI PROMJENE U BIH

MEG projekat će podržati općine u poboljšanju njihovog upravljanja i pružanja javnih usluga na inkluzivan, efektivan i efikasan način. Kroz podržavanje ekonomskog sektora i sektora okoliša, u koje općine ulažu najviše sredstava, projekat će pozitivno utjecati na cjelokupan općinski razvoj. Kako bi se potaknula kolektivna akcija i osigurala razmjena dobrih praksi diljem zemlje, projekat će također doprinijeti i izmjenama regulative na višim nivoima vlasti.

Projekat će podržati i stvoriti sinergiju između općina, biznisa, ministarstava na entitetskim i kantonalnim razinama, udruženjima i profesionalnim mrežama. Oko 700'000 građana, uključujući 40'000 društveno isključenih, imat će koristi od poboljšanih lokalnih službi, novih mogućnosti zaposlenja, kao i od poboljšanih uvjeta za razvoj privrednog sektora.

- Jačanje općina kako bi mogle pružiti kvalitetne usluge u okolišnom i ekonomskom sektoru

MEG projekat će djelovati u 20-25 općina – u suradnji sa načelnicima, administracijom i općinskim vijećima – kako bi se razvili kapaciteti, pružila potpora kapitalnim investicijama, i poboljšao ekonomski okvir. U osmišljavanju politika i upravljanju projektima, kao i u praćenju samog pružanja usluga, sudjelovat će građani, biznisi i civilno društvo. Njihov potencijal će se iskoristiti upravo kroz jačanje javno-privatnog dijaloga, kako bi svi lokalni akteri mogli doprinijeti razvoju i rastu. Općine će također povećati pristup društveno isključenih grupa javnim službama, te mogućnostima ravnopravnog zaposlenja i radnim mjestima. Unutar sektora okoliša fokus će biti na uslugama vodoopskrbe i poboljšanju tehničkih i upravljačkih kapaciteta vode.

U ekonomskom sektoru, fokus će biti na kreiranju poticajne okoline za razvoj lokalne privrede koja će ohrabrivati razvoj te poticati poboljšanje administrativnih usluga.

- Zagovaranje interesa općina i poboljšanje regulacionog okvira na višim nivoima vlasti

Entiteti, kantoni i općine će biti podržani u pripremi novih ili izmjeni postojećih zakona, podzakonskih akata, metodologija i procedura, a sve u svrhu postizanja inkluzivnijih i efektivnijih usluga za građane. MEG projekat će blisko surađivati i sa Savezima općina i gradova (FBiH i RS), koji imaju ulogu zagovaranja interesa općina i gradova. Općine će biti dodatno osnažene kroz rad profesionalnih tematskih mreža, kao što je Aquasan, koje će zagovarati poboljšanje legislative, javnih usluga, te omogućiti razmjenu dobrih praksi. Takvo proaktivno umrežavanje i razmjena dobrih praksi diljem zemlje će proširiti utjecaj projekta, te doprinijeti izgradnji suradnje između regija i entiteta.

#### PRETHODNI USPJESI KREIRALI POZITIVAN IMPULS

MEG projekat je nastavak „Projekta dobre uprave u oblasti voda i zaštite okoliša“ (GOV-WADE), koji je podržao praktikovanje principa dobrog upravljanja u opskrbi vodom i uslugama u sektoru okoliša. Kroz ovaj projekat je postalo jasno da vrijedi ulagati u poboljšanje kapaciteta i praksi za općinski razvoj. Od 2016 do 2020. godine, MEG projekat će se fokusirati na 18 naprednih općina (grupiranih u dvije cjeline u sjevernoj BiH), koje su prethodno pokazale da imaju sposobno općinsko vodstvo i osnovne kapacitete za pokretanje ovog razvojnog procesa. No, potpora je također moguća i za dodatne, manje razvijene općine.

#### SAŽETAK PROJEKTA

##### NAZIV:

Projekat okolišnog i ekonomskog upravljanja (MEG)

##### DOMENA:

Demokratska uprava, općinske usluge i pravda

##### TEMA:

Uprava, institucije i decentralizacija

##### ZEMLJA/REGIJA:

Bosna i Hercegovina

##### PARTNERI:

Razvojni program Ujedinjenih naroda (UNDP) – implementirajući partner  
Ministarstvo vanjske trgovine i ekonomskih odnosa BiH  
Vlada Republike Srpske  
Vlada Federacije BiH  
Vlade tri kantona  
18 općina (faza I): sjeverozapadni klaster (Bosanska Krupa, Gradiška, Prijedor, Sanski Most, Cazin, Velika Kladuša, Bihać, Kozarska Dubica i Kostajnica); sjeveroistočni klaster (Tešanj, Teslić, Žepče, Gračanica, Doboj, Kalesija, Tuzla, Gradačac i Prnjavor)  
Osam razvojnih agencija

##### POLAZNA TAČKA / POZADINA

Općinska uprava je najdinamičniji funkcionalni nivo vlasti, ali općine su suočene sa izazovima finansijske održivosti, koordinacije sa ostalim nivoima vlasti i neefikasnog sistema koji sprječava pružanje kvalitetnih usluga i brigu o potrebama građana. Nadalje, stepen uključenosti privatnog sektora, civilnog društva i građana (posebno marginaliziranih grupa) je nizak.

##### CILJ PROJEKTA:

MEG projekat će se fokusirati na poboljšanje općinskog upravljanja u okolišnom i ekonomskom sektoru, što će potaknuti cjelokupan općinski razvoj. Kapaciteti općina i javnih službenika biće osnaženi, a participacija građana povećana – u smislu sudjelovanja u procesu planiranja, te nadziranja pružanja usluga.

##### CILJNA GRUPA:

Projekat će direktno podržati 18 općina (faza I), 2 ministarstava na entitetskim i kantonalnim nivoima, dvije profesionalne mreže, 360 lidera i službenika u lokalnoj vlasti, 120 službenika u institucijama na kantonalnom i entitetskom nivou, 108 menadžera i službenika javnih općinskih poduzeća.

##### BUDŽET:

CHF 12'000'000 (faza I)

##### TRAJANJE:

01.07.2014. – 31.05.2020. (faza I)

#### DODATNE INFORMACIJE I KONTAKT PODACI

Swiss Agency for Development and Cooperation (SDC)  
Cooperation with Eastern Europe,  
Western Balkans Division  
Freiburgstrasse 130, 3003 Bern  
Tel. +41 (0)58 462 22 12  
E-Mail: [deza-oza@eda.admin.ch](mailto:deza-oza@eda.admin.ch)  
[www.sdc.admin.ch](http://www.sdc.admin.ch)

Ambasada Švicarske u Bosni i Hercegovini  
Zmaja od Bosne 11, Zgrada RBBH, objekat B  
BiH-71000 Sarajevo  
Tel. +387 33 27 58 50, +387 33 25 40 30  
Fax +387 33 57 01 20  
E-Mail: [sar.vertretung@eda.admin.ch](mailto:sar.vertretung@eda.admin.ch)  
[www.eda.admin.ch/bosnia-and-herzegovina](http://www.eda.admin.ch/bosnia-and-herzegovina)